

# TOUDIS DJOLIE

Poème de LÉON SANPOUX

CHANT *Allegro moderato*

PIANO *Allegro moderato*  
*mf*

Djè n'as - tou co qu'in boun ga - min Comm' vos n'as - tiz co

qu'em' ga - mi - ne Dj'as - tou con - tint d'ieus' vo vi - gin Pas - què vos stiz pour

*Moderato* *rit.*

mi l'vi - gi - ne El pus gen - ti - e, El pus d'jo - li - e. *Fin*

*Moderato* *D.C.*

Djè n'astou co qu'in boun gamin  
 Comm' vos n'astiz co qu'enn' gamine  
 Dj'astou contint d'iesse vo vigin  
 Pasquè vos stiz pour mi l'vigine  
 El pus gentie  
 El pus djolie.

Souvint on nos vyou à deux  
 Djouer les djeux dè no djoune adge  
 Eyè mi djastou tout heureux  
 D'admirer vo bia p'tit visadge  
 Vos stiz m'n'amie  
 El pus djolie.

Quand arrivou l'coquin d'Printemps  
 Avè ses pus bellès djournées  
 Qui c'qui aimou s'pètit galant  
 Pou d'aller coute el tchambourée  
 C'astou m'n'amie  
 El pus djolie.

S'i povou co r'venu, c'temps-là  
 Djè vos voès co dins vo rob'blanche  
 Eyè vo djoli p'tit tchapia  
 Pou d'aller pourmèner l'dimanche  
 Qu'vos stiz gentie  
 Qu'vos stiz djolie.

Mais çu qu'djè n'sarou roubliy  
 C'est qu' quand i fsou in clair dè belle,  
 I rlujin' télmint vos p'tit ys,  
 Qu'djè les perdou pou deux estwèles  
 Vos stiz m'chérie,  
 Co pu djolie.

Asteur què c'temps-là est passé  
 Co bi souvint djè mè l'rappelle;  
 Yè maugré tout c'qu'on pu pinser,  
 Vos stez, pour mi, toudis l'pus belle  
 Toudis gentie  
 Toudis djolie.